



Broj: 05.3.34 – 1814-1/23
Sarajevo, 24.03.2023. godine

KANTON SARAJEVO

24-03-2023

MINISTARSTVO ZDRAVSTVA KANTONA SARAJEVO
N/P Ministar Prof.dr Haris Vranić
Ul.Reisa Džamaludina Čauševića 1
71000 Sarajevo

SKUPŠTINA KANTONA SARAJEVO
N/P Predsjedavajući Skupštine
Gosp Elvedin Okerić

PREDMET : Odgovor na zastupničko pitanje Zastupnice Danijele Kristić

Veza Vaš akt: 01-04-3621-56/23 od 13.03.2023.godine

Poštovani,

Zastupnica Danijela Kristić je na 4. Radnoj sjednici Skupštine Kantona Sarajevo, održanoj 08.02.2023.godine u okviru tačke Dnevnog reda „ Poslanička/ zastupnička pitanja, inicijative i odgovori“ uputila zastupničku inicijativu koja glasi:
„Podnosim inicijativu da se izradi registar oboljelih od dijabetes tip 1“

J.U. Zavod za javno zdravstvo Kantona Sarajevo na postavljeno zastupničko pitanje daje

O D G O V O R

kako slijedi:

J.U. Zavod za javno zdravstvo Kantona Sarajevo na osnovu dostavljenih individualnih izvještajnih obrazaca/Prijava bolesti, vodi javnozdravstvene populacione evidencije/e-Registre novooboljelih od hroničnih nezaraznih bolesti. Između ostalih tu spada i :

- a) Registar oboljelih od malignih neoplazmi (u program Can Reg 4),
- b) **Registar oboljelih od dijabetes mellitus/šećerne bolesti**, (Program REG-IZ)
- c) Registar oboljelih od hronične bubrežne insuficijencije,
- d) Registar osoba sa kongenitalnim malformacijama,
- e) Registar oboljelih od hroničnih psihoza.

Zdravstvene ustanove su u obavezi ispunjavati i dostavljati Prijave hroničnih nezaraznih bolesti J.U. Zavod za javno zdravstvo Kantona Sarajevo u skladu sa: Zakonom o evidencijama u oblasti zdravstva („Službene novine Federacije BiH“ broj : 37/12), Pravilnikom o obliku, sadržaju i načinu vođenja individualnih izvještajnih obrazaca i drugih pomoćnih obrazaca za vođenje evidencija („Službene novine Federacije BiH“, broj 61/18), kao i Pravilnikom o dopunama Pravilnika o obliku i sadržaju osnovne medicinske dokumentacije („Službene novine Federacije BiH“ broj: 72/22). Sve javne i privatne zdravstvene ustanove, kao i nosioci privatne prakse u Federaciji obavezni su voditi evidencije na izvještajnih obrascima/Prijave bolesti, i dostavljati ih J.U. Zavod za javno zdravstvo Kantona Sarajevo.



Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: gzavod@bih.net.ba



Zdravstvene ustanove dostavljaju Prijave bolesti (novooboljelih/ novodijagnostikovanih), potrebni podaci su sadržani i u Prijavi oboljelog od šećerne bolesti/dijabetes mellitus tip 1 (E 10) i tip 2 (E 11).

Zakonskim propisom je utvrđena vrsta, sadržaj i postupak vođenja evidencija u oblasti zdravstva, način prikupljanja, obrada, korištenje, zaštita i čuvanje podataka iz evidencija, kao i sadržaj osnovne medicinske dokumentacije u oblasti zdravstva, koja predstavlja izvor podataka za izradu evidencija. U vezi s tim J.U. Zavod za javno zdravstvo Kantona Sarajevo ima obavezu formiranja i vođenja Evidencija/e Registar dijabetes mellitusa tip 1. i tip 2. Unos pojedinačne Prijave dijabetes mellitusa vrši se u softverski program REG-IZ (novi naziv od 9-og mjeseca 2022.g, ranije se zvaao Program VPN) vlasništvo Zavoda za javno zdravstvo FBiH, uz obavezu izvještavanja prema Zavoda za javno zdravstvo Federacije Bosne i Hercegovine.

Iz REG-IZ programa mogu se izdvojiti podaci za izradu zdravstvenih indikatora i praćenje zdravstvenog stanja stanovništva.

Napominjemo da je broj zaprimljenih prijava na osnovu kojih se vrši unos u Evidenciju / Registar nešto manji u svim pandemijskim godinama, jer su pacijenti manje posjećivali zdravstvene ustanove, pa je, vjerovatno, manje novootkrivenih slučajeva dijabetes mellitusa tip 1 i tip 2.

S poštovanjem,

Odgovor pripremila:
dr. Emina Kurtić, epidemiolog
Voditelj Odjela za prevenciju hroničnih nezaraznih bolesti

